









Necesse est, hanc conditionalem esse veram: Si Deus hoc vult, necesse est, hoc esse. Et ad 2. Ex hoc ipso, quod nihil voluntati Divinae resistit, sequitur, quod non solum fiat ea, qua Deus vult fieri, sed quod fiat vel contingenter, vel necessario, quæ si fieri vult.

Ultimum illud D. Thomæ testimonium in rem suam vertit Joannes de Salas, affirmans, duo hæc stare non posse: Deum velle, hominem libere operari, & determinare conditiones, seu auxilium physicum efficax ad operandum. Unde & bis, ac tertio petit, num Deus ante determinationem suæ voluntatis sciat, in quam partem suæ voluntas sit determinanda? Respondit Lemos, Deum id determinare scire non posse: cum, ante decretum, determinatum non sit: certo tamen scire, ad id voluntatem suam determinatum iri, quod libere, & placuerit. Inquit ille confidentius, id a Deo determinate sciri, contentens, ante decretum, quia effectus subsequitur conforme fuit. Negavit secundo Lemos; quia in signo, decretum antecedente, determinata conformitas non erat ob Divinae voluntatis suspensionem, & indifferentiam. Cui ille: Divina voluntas mansit quidem in suspensio, ut hoc vel illud posset velle; non autem Divina scientia. Quo dicto, cœperunt ea de re Consultores mutuo conferre; Lemosi que responsum anteverterunt. Quare soluta disputatio est.

Judicium de superiori Disputatione.

(1) Congregatio 62. celebrata est die Martis, 29. Novembris, hora 17. anno Domini 1604. Censuit Congregatio, certam, & infallibilem esse scientiam, qua Deus cognoscit futura contingentia, dependentia a causa libera, tam absoluta, quam conditionata, quæ certo sunt futura, si tales apponantur conditiones, quales prædicantur. Quia tamen Patres Societatis non attigerunt, ex quo capite ejusmodi futura habeant, quod certo futura sint, id acturi in proxime futura Sessione; perstiterunt omnes in sententia, prout in Sessione sexagesima, Absolvitur Actio hora 17.

CAPUT XL.

Quid Congregatione sexagesima-tertia disputatum? Quid sexagesima-quarta definitum?

Die 6. Decembris 1604. coram Clemente VIII. habita est Congregatio 63. Præcepit Beatissimus Pater Societatis Theologis, ut proponeret quæstionem de Scientia-Media, semotis ambagibus, directe, & explicite satisfacerent: ad cujus numerum triumphabundus in arenam descendit Ferdinandus de Baltida, hocque sermone exortus est. Maxime operata dies, qua nobis disputandum est. Ad ea cognitio certa, & infallibilis conditionalium liberorum, quam Deum habere monstravimus, in ea sit ante absolutum decretum Divinae voluntatis, &c.

Questionem affirmate definiuit, seu sermo sit de decreto simpliciter absoluto, quo Deus rerum futuritionem absolute decernit, seu de decreto altero quæstio vertatur, quod in Deo quidem absolute est, sed de objecto conditionali efformatur, dum nempe Deus non decernit, ut res absolute, ac simpliciter ita sit, sed sub alicujus conditionis hypothesei. Unde nullius decreti ope quæcumque futura libera præcognosci voluit. Assertionis suæ probationes attulit bene multas, Patrum testimonis, rationibusque Theologicis confirmatas, quas referre superfluum esset. Nihil

(1) Ex Actis Secretarij.

men, interveniente Divino decreto, quo eorum conditionatam futuritionem decernat, factiatque certo futura.

Consequenter pro libito inferre voluit Societatis Actor, nova certe disputandi methodo, ut adversario peregrinum sensum commodius affingeret. Quam enim negabat ille futurorum notitiam, quatenus solum in objecto Scientia-Media, nulloque posito decreto, intelliguntur, ite universæ, & absolute ab illo negatam contendeat. Quamquam aliunde ignorare non posset, eum toties affirmasse, istiusmodi futura (verb. gr. Tyrriorum conversionem) in Divino decreto certissime sciri. Atque hunc exitum habuit instituta de Scientia-Media disputatio.

Judicium de Disputatione, superius habita.

(1) Congregatio 64. celebrata est die Martis, 7. Decembris, hora 18. 1604. Resolvit Congregatio, persistendum in sententia, Quod non sit in Deo, ante decretum absolutum suæ voluntatis, certa, & infallibilis cognitio futurorum contingentium, dependentium a causa libera, qualem Molina Deo tribuit per Scientiam-Mediam. P. Rada dixit, ante decretum Divinae voluntatis, sive absolute, sive conditionatum, Deum certo non cognoscere futura contingentia, pendencia a causa libera; & doctrina vero Molinae de Scientia-Media necessario sequi, etiam posito quovis decreto, quod ipse excogitaverit, sive absolute, sive conditionato, Deum non habere certam, & infallibilem cognitionem futurorum conditionerum; & quod fortassis incidit in errorem eorum, qui dixerunt, Deum non esse causam nostrarum actionum, neque etiam concomitantem. P. Reges dixit, ante decretum absolutum Divinae voluntatis Deum habere certam, & infallibilem cognitionem futurorum contingentium, pendentium a causa libera. Dum colligerentur vota, dixit P. Rada, ante decretum absolutum non dari talem cognitionem futurorum contingentium, dependentium a causa libera. Absolvitur prope horam 21.

CAPUT XLI.

Quid Congregatione sexagesima-quinta disputatum? Quid sexagesima-sexta definitum?

Die 4. Januarii 1605. habita est coram Clemente VIII. sexagesima-quinta Congregatio, cui primum interfuit Cardinalis Bufalo, sacris fidei Quæstoribus adscriptus. Actum de ultimo dubio: An in presenti disputatione, in qua tractatur, An Deus ante decretum prædestinationis habeat scientiam futurorum contingentium, dependentium a causa libera, statuendum sit, unicam esse decretum Dei, in quo decernat velle salvare Petrum? An vero subjiciendum sit aliud, quo Sua Divina Majestas decernat conditionaliter velle salvare Petrum, ponendo illum in tali, & tali ordine rerum, dandoque illi talia, & talia auxilia, quibus si Petrus ex imata sua libertate consentiat, & bene utatur prædictis auxiliis, salvabitur? Et, An prædictus bonus usus dictorum auxiliorum proveniat a sola imata libertate, an vero a Gratia Dei, quæ facit, ut homo bene utatur dictis auxiliis? Et, Quæ ex istis sit sententia S. Augustini, & Ludovici Molinae?

Huic agitando quæstioni locum dedit superior de Scientia-Media disputatio. Objicientibus enim Prædicatoribus, Decretum prædestinationis absolute

tum non fore, si ex Scientia-Media directione fieret, qua Deus in antecessum exploret, quid unaquæque voluntas, si in hoc, vel illo rerum ordine constitueretur, esset actura; consecutionem negarunt Molinae Vindices. An igitur iusto titulo negarint, ac juxta Molinae doctrinæ principia, disputandum fuit.

Consecutionem merito negatam fuisse, propugnavit Ferdinandus de Baltida; nihilque obesse contendit Molinae systema de prævia Scientia-Media exploratione, quominus prædestinationis decretum absolutum afferatur. Causam in primis egit exemplis ex Scriptura Sacra, & Patrum auctoritate desumptis; tum Theologicis argumentis: ultimo objectam sibi difficultatem retorfit in adversarios.

Multa, inquit, in Scripturis, ac Patribus legitimus a Deo statuta decreto plane absolute; tamen si statuendis, ac decernendis futuri alicujus conditionati præscientia antecesserit. Sic brevianos Antichristi persecutionis dies, absolute decreto definit, præventive hujusce conditionalis notitia: Nisi fuerint abbreviati dies illi, non salvabitur omnis caro. Sic electum puerum, ex hoc mundo eripiendum, absolute decrevit, prævia cognitione, qua intellectum ejus immutandum præciverat, si diurniorem vitam ageret. Sic Lazarum absolute suscitandum statuit, quia multos, eo viso miraculo, credituros, præcæbat &c. Pari igitur ratione, subintulit, Scientia-Media, consensu sub conditione futuri prævia exploratrix, absolute prædestinationis decreto nihil obesse. Nec idcirco Augustino repugnasse, aut conditionale prædestinationis decretum admisisse, Molina putandus est, quod istiusmodi præscientiam agnoverit.

Rurfus, inquit, præcognitio efficacitatis mediæ, ad finis consecutionem necessarij, non officit absolute intentioni finis, vel absolute mediæ electioni; quin potius admodum juvat: non ergo præscientia, qua ante decretum salvandi Petrum præcæcit Deus, quibus auxiliis consensurus esset Petrus, si in eo rerum ordine poneretur, derogat absolute decreto salvandi Petrum; immo prodeit.

Tertio addidit: Admittunt Prædicatores, Deum scientia simplicis intelligentiæ cognoscere omnia futura conditionalia, quæ cum conditione intrinsece connectuntur; ut: Si Petro detur auxilium efficax, convertetur. Quo igitur jure scientia simplicis intelligentiæ antecedit absolute decretum salvandi Petrum; ita præcedit hujusce futuri conditionati notitia: Si Petrus ponatur in hoc ordine rerum cum auxiliis per se efficacibus, recte iis utetur, ac salvabitur. Si ergo futuri conditionali præscientia absolute Prædestinationis decreto repugnat; nequidem in hypothesei Thomistarum absolute erit.

Iis omnibus S. Augustini, ac D. Thomæ testimonio confirmatis, variisque subsidiariis argumentis ad juris abundantiam adductis, Molinae de Divina prædestinatione mentem exposuit; quam hæc quinque capitibus sitam dixit. 1. Deum ante omnem actum liberum suæ voluntatis cognovisse varios ordines rerum, quos creare posset; & præcise, de quocunque ordine qui, & quot homines salvarentur, si illum creare voluisset. 2. Deum, ea posita præscientia conditionata, elegisse hunc rerum ordinem, quem reipsa executioni mandavit, & voluisse, tot homines creare, eisque istiusmodi auxilia conferre. 3. Eam istius ordinis electionem unicam esse, ac simplicissimum actum. 4. Unicum illum, & simplicissimum actum, comparatione eorum, quos Deus præviderat, per hæc auxilia (si illis darentur) non fore salvandos, etiam si salvari potuissent, rationem duntaxat habuit.

(1) Ex Actis Sec.



